

德化縣志

庚集

卷拾叁

人物

名宦

鄉賢

宦蹟

治行

孝友

義行

德化縣志卷之十三

人物志

名宦
義行

鄉賢

宦蹟

忠烈

治行

孝友

山川不改疆域依然而能使過其地者仰焉慕焉低徊不能去焉必其中大有人在也德邑流峙鍾竒代產人物景芳躅溯遺風民獻老成光幽德潛其事其文可以彪炳冊書而鼓舞後起者枚舉不一謹光昭厥美類而分之得十有三帙志人物

名宦

德化縣志

卷十三

人物

一

宋

陳靖莆田人開寶中與黃觀請兵于漕版授泉州德化縣尉叅議軍事賊平以前資官例赴闕補許州陽翟縣主簿再知泉州累遷江南轉運使江南有李氏橫賦於民凡十七事號曰浚納靖極論之詔罷其尤者數事歷事三朝以秘書監致仕著有經國集十卷勸農奏議三卷熙寧元年諫官以勸農奏議上下篇奏聞詔藏中書後復索經國集進呈特贈左僕射宋史郡志俱載

明

王巽洪武六年知縣時當兵革後公私凋敝規制草創巽至慨然以興舉廢墜為任葺學宮修縣署建壇壝役民不勞資財不傷三年間政平俗化論者謂大統初集極得安靜畫一之體

馮翼山東德平人洪武二十六年知縣倜儻平易留心民隱先是邑以抽軍故民盡逃移死絕者過半田荒而糧額仍懸百姓賠累不堪翼泣官廉得其詳嘆曰瘡痍不瘳何以施梁肉哉掾白以軍餉無所給恐獲罪不聽即以狀奏聞特詔蠲稅額至今民受其惠

古彥輝廣東長樂人洪武三十年為邑主簿性敏決精吏事識大體盡心勸課不尚苛察凡有令出民咸懽趨三十一年溪漲民居蕩圮公撫之民忘其災視鬻官廨署規制湫隘相地鳩工廣而新之橋梁道路莫不繕理九年秩滿民將赴闕奏留會監司保任擢監察御史應履平浙江奉化人洪武三十一年知縣廉謹平恕時邑

文運未開履平勸獎士類有向學者輒優禮之自是邑之人士多登科第考最遷吏部郎中歷官按察使

余表廣東化州人洪武三十一年縣丞奉職廉慎撫字有方役均訟簡民咸戴之卒於官郡守胡噐遣祭以旌其廉

胡惟立江西高安人舉人嘉靖三十二年知縣廉介自持常賦外不取加耗勤慎蒞事案無留牘門隸久慣者去之刁健屢訟者懲之均賦役恤困窮邑人懷德卒於官

德化縣志

卷十三

人物

三

士民共請入祀

論曰令者民之司命也遺愛在民去尚攀轅歿寧不奉祀歟五代以來官此者若令丞若簿尉宦蹟所載盛矣而祀僅七人何其少耶夫時當清晏君子固無所樹奇功自嘉靖後兵荒洊至繕城池立學校興利除弊捍患禦災功可不謂偉歟而槩未舉祀毋亦表章者寡也尚論徃古洵有俯仰興懷不能自己者矣

鄉賢

唐

顏仁郁字文傑為歸德場長號顏長官時政荒民散郁撫之一年襁負至二年田萊闢三年民用足有詩百篇傳於民間至今邑人歌之立祠於石傑鄉歲俎豆水旱疾疫必禱焉

宋

林程楊梅人慷慨尚義廣收圖史延宿儒合族子弟廩而誨之舊傳邑治有水流丁羅簪纓之識程捐家貲買邑

德化縣志

卷十三

人物

四

前瀕溪之田數十百畝具畚鍤開濬一夕天大雷雨溪岸洋溢決流丁方子揚休重和元年成進士贈程為朝請郎休子興宗為錢塘令宗子洽瀛皆登第洽子延賞瀛子士英相繼貴顯四世簪纓一時稱盛

蘓欽字伯承善均里人第宣和甲辰進士除江西帥屬值贛卒叛為帥漕畫策平之擢守巴州高宗諭之曰巴去朝廷甚遠卿務鎮靜存撫百姓欽對曰臣當宣布朝廷寬大之恩上首肯之州舊例有脚乘錢三十緡欽曰永

能補公家豈敢費私帑悉封還代民輸賦改知閬州首
陳利病六事復却例錢互送錢諸司以治最薦得旨再
任未幾除利州路轉運判官時吳璘屯重兵於興元深
加敬愛餽遺甚厚又條時政五事上之卒於成都所著
有兩漢提要十卷慶元間修高宗寔錄索其行狀家集
奏疏并御筆進之子洸孫權國瀾從姪總龜熹孫稟相
繼登第五世簪纓

鄭輪字景行翊順侯昭祖裔孫也第嘉泰二年進士尉保

德化縣志

卷十三

人物

五

昌時獲強盜不肯論賞曰人命可易官乎遷龍南令邑
上鄉隣山峒民舊不輸租一日數十輩以長鎗挈錢而
至吏驚恠詰之曰聞有好長官願為王民秩終民爰之
遮送塞道再知南城縣會盜發諸邑擾動輪悉意拊循
無一附賊者甫代去而邑被兵人謂行善之報歷廣東
運司主管文字辟知循州卒

明

凌輝字邦輝幼穎悟過人永樂壬辰進士任廣東道監察

御史尋以風采改河南道端謹持憲擢江西按察副使
倣官邪明法度振飭風紀民安俗正屢從文皇帝征伐
與修大明一統志兩膺誥勅復纂修德化縣志明代邑
之登第者自輝始

林茂字盛之坊隅彭坑人正統八年由歲薦知廣東儋州
民爰戴若父母為之頌曰茂林無虎豹儋海有鳳鸞丁
內艱服闋補廣西吉州知州值己巳之變蒙難輸邊死
於王事

德化縣志

卷十三

人物

六

鄒絢嘉靖甲子舉人廣東四會縣知縣人稱丁溪先生
單輔號巖泉高洋鄉人少力學從李文節遊由思貢授廣
東合浦知縣清介自矢執法不阿履任六年不取合浦
一珠陞平樂通判解綬家居無臧獲妻自炊客至使子
傳茶飯李文節高之為舉鄉賢其在合浦也奉文丈量
多代田豪家餽金數千請半丈不聽悉丈之朝廷按盜
珠事下縣覈祈免者入珠盈斗不受以寔報竟誅其黨
其志節可概見矣

郭琛字世深號竒園在坊駟高橋人多財好施嘗出遊獲遺金待其人驗寔還之如是者二造龍津橋旋燬於火復傾囊再建道路有傾圯者砌築之以子維翰為臨江府推官膺封典年九十無疾而逝

鄭沛字原甫號渭初聰敏沉潛垂髫遊泮即思選入都萬曆甲午魁麟經戊戌成進士選計曹給歸省親見邑先輩及同學謙冲敦摯絕無新貴容初任管崇文稅課兼四門諸差茹冰檠惠商民清德著聞與當時立名者稱

德化縣志

卷十三

人物

七

天下六君子焉嗣督昌平糧儲及客主兵餉護陵寢供湯沐時詘極苦心經營志操彌厲年三十二卒於官朝野惜之太常李鳳岳誌其才通敏而心甚虛氣冲粹而骨甚正宮庶黃九石述其胸羅象緯而無上人之心貌若處女而有擔當之勇在朝則竭誠體國斃而後已在野則敦本勵節歿而愈光皆寔錄也八學特舉祀郡鄉賢

賴孔教湯泉人事親言色無忤與兄合爨不忍析以歲薦

司訓全椒愛士若子諸生新進有貧者反贖資之喪不能成禮者割俸助之殞于官易簣時囑以宦資公子姓櫬歸號送者二百餘人

賴爓號四表孔教子年少篤學性至孝隨父任全椒父卒于官扶櫬而歸擗踊哀毀行道為之墮淚食貧教授不倦由歲薦司訓尤溪遷四會知縣出五寃獄不避權貴以子官春坊遂解綬歸

論曰鄉賢之有祠祀亦隆矣哉生於斯長於斯受尸祝于斯非有功德在人能膺祀典于勿替乎邑自顏公以下十二人居鄉則典型桑梓登仕則霖雨蒼生厚德豐功壽諸彝鼎光於俎豆稱曰鄉先生寧有愧歟

宦蹟

知縣

明

王貞浙江永嘉人洪武九年任謹身正己一清如水涖民如撫嬰孺待士如接賓客一時風化淳穆好娛情山水

公餘援琴賦詩悠然自得人謂有子賤遺風

何復河南柘縣人宣德元年任邑之令簿自應古後代匪其人百凡廢墜復循序經理之規制煥然一新民不知勞政尚簡易廉平正大為當道所推重

陳宗全廣東人宣德十年任明恕廉介為政有方立

綱紀崇教化士民信服未期年境內大治

李青廣東石城人天順六年任敷政平恕人目為李佛子公餘襪履巡行郊野有不勤農事者召而諭之朔望入

德化縣志

卷十三

人物

九

學宮為諸生講論終日無惰容莅任九年百廢具興民修其業士修其學邑以大治秩滿當去士民丐留三年任順南直隸常熟人弘治十四年任性果斷多才能每編賦稅徭役令下民輒稱便有曾姓者好告訐號鵬兒素為民患順化之以德久不悛乃寘之罪惻然遣之曰爾何不為嘉禾而為稂莠乎自是德教蒸被狴獄空虛胡潛字孔昭江西績溪人弘治十七年任居官三年廉潔自持水利橋梁廨署當修葺者恒割俸以助民力訟者

常勸化之使自省鞭扑不施老幼囚繫不加貧苦以奔喪去民相弔如失父母

許仁字元夫號竹厓浙江仁和人嘉靖七年任毀淫祠創社學設學租築射圃復教場甃壇壝濬丁溪修春波樓繕廨署建名宦鄉賢祠置漏澤園養濟院善政纍纍不勝書詳見建置學校諸志嘉靖十年改調同安縣

緒東山號三南廣西馬平人嘉靖二十六年以舉人來任嗜學工詩文訟清政簡公庭無事日與諸生講論建丁

德化縣志

卷十三

人物

十

溪書院俾習業其中置學田贍之構駕雲亭復古義社邑士民祠于龍潯山之麓

鄧景武號文齋江西德安人嘉靖三十六年由貢監生來任邑舊無城比年寇警民遭屠戮群結寨于縣後大龍黃龍二山武乃度地營城正南臨溪東自龍潯山麓以上環山而北包大洋山西抵大旗之巔下達於溪雄視列邑未幾呂尚四亂後令張大綱憑城為固賴以破之張大綱字立卿號衢坡廣東龍川人嘉靖三十八年來任

前令鄧景武築城新就慮其低薄遼濶即改縮增高適
永春賊呂尚四合徒萬餘流劫攻城綱身親督戰擒斬
無遺自是上杭永福諸盜不敢犯境詳見黃侍郎記尤
惠愛百姓作興人文創建書院於龍潯山之麓
秦霑蘓州崑山人隆慶六年以舉人來任經畫區理洞悉
大計以學宮卑陋遂獨斷遷于城外大洋山之陽費不
煩而事集廟貌巍煥人文以起諸生德之為立去思碑
與緒令並祠

黃承讚浙江義烏人萬曆丁丑進士先任武進抗忤權勢
為所中傷調德邑勤修職業以文風未盛集諸生朔望
會課面評高下行賞有差一時士類振起後武進事白
陞南京刑部主事

丁永祚江西南昌人年十九領鄉薦英韶警敏洞悉物情
至則豁鹽稅絕閔提抑豪強邑民尚氣涵濡漸化之不
怒而威民俗以淳見人才寥落慨然曰邑無南門故也
南為離方文明之位奈何闕焉捐俸築之建樓其上以

祀文昌改調福清猶不忘德之士民後令錢某縣試濫收冒籍庠士赴督學鳴其事錢令文致申詳衆懼不測祚聞知即以寔馳告督學皆直之錢令因論去冒籍徹清人文蔚起後歷知州府官至湖廣憲副使德與福清並祠之

林大雋號惺非廣西隆安人萬曆辛卯亞魁簡易寬厚潔己勤公隆禮待士建翬霄塔於邑之巽方以象文明濬丁溪故道以符古識兼署永安二篆所至課士口授耳

德化縣志

卷十三

人物

十二

提甄拔名流時譽翕然歸之子光第英年發解人謂禮士之報

桂振宇號蓋我江南石埭人以明經來任慈惠和易勸民藝麥而給以種教民醫療而濟以藥鼎建祝聖寺修學宮鑿泮池創寅賓館築春臺置糾察遺愛二祠葺城隍登龍津鳴鳳二橋成巽方埴綜理有條百廢具舉復釐剔侵沒學田以資膏火庠士王乘乾貧不能婚資金代聘楊經臨貢而殞貧無以殮為棺衾而葬之旌孝友崇

節義禁炫服戒侈靡飭男女別途之禮令士民習官音
捐金給老人使朝夕振鐸於路唱明六訓凡所設施善
政不可勝紀尋掛冠去士民攀轅不獲立祠尸祝之

姚遲號若麓浙江秀水人崇禎癸酉由舉人來任風節稜
稜胸懷坦白待士民如同骸時泉宦勢熾泉屯之在德
者屯丁貧困悉兌勢宦收租酷剥民不堪命繪圖叩閭
事下撫藩臬府按驗遲力為民剖析冤狀反覆數四痛
哭流涕當道感動上其事旨下嚴禁歲省德民額外橫

德化縣志

卷十三

人物

十三

索萬餘金遂中忌者以去百姓立祠祀之頌曰姚天
李元龍江西玉山人由舉人來任坦易真誠不飾邊幅工
詩善行草偶寓僧寺道衣繫繚巡廊廡間人莫知其為
縣令也恂恂然與物無忤民咸樂其慈祥

金麗澤字石可江南武進人崇禎十七年以拔貢授邑篆
精神炯炯頤盼凜然下筆如飛片言洞人肺腑邑初有
疑獄甫至即牒城隍神決之豪家屏息適京師告變大
綱解紐闔郡勢豪橫恣猾民跳梁德晏如也擢漳州同

知旋陞知府躬親撫剿盜賊望風歸化晉階憲副指揮所及秉鈞握符者莫敢與爭時有鄭勢金石之謠明年十月 大兵克漳死之

國朝

王寵受號濯陸北直寧晉人順治己丑進士事母至孝八年来任節儉慈愛而有威舉止進退有儀寡言笑邑遭兵燹之餘流離未定城市坵墟受下車撫凋敝詢疾苦會土寇充斥設法聯絡山砦親為訓練鄉勇捐俸犒士

德化縣志

卷十三

人物

十四

悉力禦之常舉行鄉飲酒禮遠近翕然十年以憂去崔越字肅逸號秋濤山東平度人以歲貢授縣職俊偉豁達不露圭角廉靜慈和不事峻絕聽訟曲直無遁情而不喜鞭杖時征勦海寇徵檄紛馳常匹馬入郡計畫事辦而費省及□□兵克復泉州邑之巨寇歸順猶置人于通衢私抽貨稅越力捕置之法尋復叛戰于螺坑王千總遇害親督鄉兵禦之嚴禁交通賊黨懼始決意投誠竟以憂勞致疾寔授

命下已捐館矣貧無以殮適兄布政司經歷崔起遣子來候因經紀其喪道路聞之皆為流涕

王澤洪比直人泉州通判來署邑篆時遭寇亂後城治蕭條洪按戶籍令民移市入城架屋嚴為之期而稍聽其自限悉力經營人煙輳集去任猶施餘澤為邑民雪冤和鹽鼎字巖夫湖廣城固人順治丙戌舉人寬弘藹吉承前令猛酷之餘故族士類皆蕩產傾家喘息重足鼎痛革弊政嘗與紳士參酌利病竟日無惰容比聽斷必反覆辨論務得情寔不肯輕置之法貴賤咸得歡心陞大理寺評事去之日遮送百里莫不涕零旋擢北城御史溯遺愛者至今嘖嘖焉

王之紀瀋陽人由筆帖式隨征入閩康熙十六年委知德邑耿逆初平泉郡新復瘡痍未起紀簡靜鎮撫不事紛更平訟獄省興作民甚便之二十二年擢行人司行人去之日士民攀轅泣留如和令云

姜立廣泉州通判康熙二十二年署邑篆明敏練達物無

遁情莅事未數月民咸思之

撒啓明山陽人以莆田丞署邑篆公正明決下車奉文編
審丁苗憫賦役偏枯不避嫌怨詳請均攤由是富者不
得詭避差徭貧者不至重派苦累八里稱平

范正輅字載瞻浙江鄞縣人丙午舉人康熙二十五年任
禁溺女勸種植舉鄉飲建義學設常平倉葺賓陽北鎮
二樓繕堂廡置寅賓館築橋梁刊邑乘類有可紀卒於
官

德化縣志

卷十三

人物

十六

王一導號惕齋湖廣黃岡人康熙丁丑進士四十年任慈
惠廉明邑舊例有節禮銀八百兩為上官交際之資里
甲輸供多至蕩產又有屯田硃價銀每甲一兩導惻然
曰竭小民之膏脂供一己之周旋為民父母顧如是乎
即出示除之聽斷平允案無留牘履任一年以內艱去
王調元字燮公遼陽義州人正白旗監生康熙四十八年
任果毅正直不避權勢明倫堂久廢鼎建之適外郡奸
匪陳五顯抄畧鄉村飛報收捕境賴以寧

熊良輔四川蒼谿人康熙己卯舉人五十七年任和易慈
祥待士以禮撫民以息外邑奸民陳謀嘯聚山谷急請
會擒親督鄉兵進山協捕民得不擾捐俸建櫺星門造
照牆又倡建雲龍橋工將就緒適以事去

金鼎錫號卜菴浙江仁和人康熙癸巳進士雍正六年自
壽寧調任德邑洞悉民情廉平不苛催科折獄有古循
吏風方葺治雲龍橋會憲委往外買穀旋以能員調南
靖縣

德化縣志

卷十三

人物

十七

黃南春字硯石號生菴廣東鎮平人監生雍正九年由古
田調署德邑十一年引

見得寔授以屯糧納戶散口徵輸兩難詳請歸社各造的
名推收如民糧例民甚便之倡修 文廟及東嶽廟造
鳴鳳橋又繼前令築雲龍橋宏整壯麗乾隆三年委護
永州四年回任移建 關帝廟鼎建 朱子祠再造鳴
鳳橋詳見學校祠宇諸志前後洝任九年告終養歸

教官

明

饒自成廣昌人由貢士司訓陞邑諭方正清儉日溫經史
月立課程提誨諸生獎優恤貧復捐俸修理祭器當道
重之

張泮東莞人由歲貢司訓持身廉謹課士有方學宮圯壞
捐俸葺之詳載吳從龍記中

張潮羅源人以歲薦司訓泉州陞邑諭勤課督精品題所
取士多掇科第時推冰鑑胸襟洒落沐陶淑者如坐春

德化縣志

卷十三

人物

十八

風焉

王國楨字錦榕閩縣人以恩貢選司訓到齋手不釋卷明
于幹濟不露鋒穎當路器重列薦剡陞為粵西桂平尹
林茂春浙江青田人由台州司訓來掌邑教氣槩豪邁分
齋曹縉自山西蒲縣來官甫三月而卒囊橐如洗子女
繼歿春為殯塋于薜蘿山設租以供祭掃復請于當路
護其眷屬使歸真古道也

黃偉禎字若木莆田舉人學富才高氣節自命教諭德邑

諸生勵志力學者愛慕有加紈袴膏粱不稍假以顏色
風裁嚴峻學校肅然士習以端

國朝

林潤芝延平人順治間以舉人署教職閱雅博物尤工詩
律善書法風度彬雅士林重之

李正標順昌人順治間以歲薦司訓淡泊寧靜風度藹然
喜愠不形至有閔學校公論者則義形于色侃侃秉正
尋鐸龍巖多士矜式不能忘云

德化縣志

卷十三

人物

十九

王欽祖閩縣人康熙十八年由例貢司邑教慷慨好義在
庠寒士多所推解捐俸百餘金修文廟重建龍津橋
造梅上里道中亭士論高之

薛允浩閩縣人康熙三十五年由貢士任教諭倡修學宮
煥然一新

程雲鵬莆田人拔貢生康熙四十五年任教諭師範端方
接見諸生雖盛暑必衣冠淹博著名尤善行楷論文講
學亶亶不倦為所拔者多聯蜚去卒於官

力子侗號知菴侯官人康熙五十四年由貢士司鐸德邑
見學宮兩廡剝落捐俸倡修黜堊輝煌置祭器手輯

聖廟祀典四卷復刊課士錄鼓勵生徒榜眼鄧啓元進士
王必昌舉人林應祖皆其所培成也才識練達凡有閔
學校者毅然肩之雍正元年改授兗州嶽陽縣丞

論曰宦以名稱從其績也無績可紀將等諸曠官又何
名之有邑自五代置縣秩官姓氏且闕弗可攷固無遑
問績矣宋時官斯土者志若列眉而三百四十年中名
宦僅傳縣尉陳靖一人斯其缺畧可勝道哉夫盤根錯
節所以別利器也德固岩邑自明迄

國初幾經兵燹繼以水旱疾疫非賴有馮鄧諸人生聚教
訓於其先崔和諸人維持調護於其後歟予繙閱舊志
因博訪故老按其政績之卓卓者得若而人或以慈祥
稱或以廉平著或以才幹顯或以文學彰要皆大有造
於斯土者以云名宦庶無愧矣紀錄之餘心焉儀之猶
想見當年卓魯諸君子也

忠烈

五代唐

鄭昭祖碩傑人繼顏仁郁為歸德場長官遷郡司馬力勸

閩王歸順宋興封為翊順侯知縣事陳居方為之記配

祀顏長官祠

宋

蘓十萬善均里人欽之裔孫宋亡破家募義兵拒元屯駐

天平城羅城諸山後戰敗于水府被刺挺立不仆血漬

德化縣志

卷十三

人物

二十一

石上朱殷不滅邑人建水府廟祀之

降乩題云不負心頂天做去大丈夫

一呼十萬何妨稱兵稱賊稱霸王進士李道泰為對云肯回首立地便成好男子百鍊千迴自是可為

英雄成敗未湏論一拳石染生前血幾筆乩遊死後魂

陳蔚清泰龍山人統軍與元兵戰敗于永春龜龍橋既被

害猶奮身馬上馳歸至南関墮其首過東関身滾馬下

兀立邑人即其地各立廟祀之

國朝

黃琮江南江寧人順治三年由拔貢來任知縣明年九月

南寇莊廷書張益率衆萬餘圍困縣城焚舂霄塔雲龍橋燬學宮城中食罄茹草守將棄城遁琮不屈死之

王世爵榆林人提標後營千總順治十四年三月與後投

誠總兵林忠戰于螺坑力盡死之

塋南閩外接官亭上
員山邑令魯鼎梅修

墓其

論曰為臣克忠分也詎以死生論哉而見危授命士之大節立焉邑之以忠烈著者或勸逆効順或尚義勤王生而為英死而為靈宜其廟食勿替也若黃令君節比睢陽王千總屍裹馬革其身雖死其氣猶生表而章之與日月争光矣

治行

宋

林洽字濟叔事親盡孝有文名淳熙丁未第進士知福州

閩縣政尚廉勤通判鎮江府未至卒

林瀛字廣叔洽之弟慶元丙辰以明經第進士初知莞州

東莞縣政蹟最諸邑以薦召除監左藏庫遷國子監簿

德化縣志

卷十三

人物

二十二

知汀州卒

蘓洸善均里人以父欽蔭補官為趙汝愚張栻所重歷知雷州百姓歡迎歌曰蘓使君來何晚使我夜不寐朝不飯秩滿尋移封州首請減放丁米及經制無額之徵改辰州致仕

明

陳灝字達州邑尤中陳吳人成化二十二年由歲貢司訓曹州丁艱服闋補從化縣訓肅學校定課程所取士多

德化縣志

卷十三

人物

二十三

登第志行廉潔致仕歸囊橐蕭然長子中立學問淵奧嘗從蔡虛齋講易膺嘉靖三年歲薦授仙居訓導師範端嚴人稱喬梓儒宗

涂允寬字畏吾小銘人由拔貢授江西武寧訓導尋陞巴東教諭課士有聲擢四川夔州府教授署大寧知縣兩載愛民如子宦□風清齋厨供給外惟左右圖書而已陞王府長史卒於官

陳伯容字仁卿尤中里人嘉靖歲貢入南都授潮州府訓

以課士最績遷江西南豐教諭捐俸葺學宮造祭器列
憲嘉之陞南豐縣令冰槩自矢年老解綬歸足不履公
庭以壽終

陳石字陽東大卿鄉人以歲貢司訓電白練達精敏有匡
濟才邑舊無城屢經寇亂民遭荼毒石請於邑令鄧景
武築城保之培科榮鳳翥二文峯勸教鄉族讀書自是
邑多文雅

林榕瑤臺鄉人以拔貢授縉雲訓導性廉介樂周人急時

德化縣志

卷十三

人物

二十四

庠士樊應科童年貧困榕賞識厚待之後樊巡按本省
往候之著苧衣公服門不為通榕俟其出呼之曰樊斗
山樊驚喜下輿迎入父事之贈遺俱不受有殞人者餽
伍千金閔節榕叱之曰殺人坐償律也能為女免乎樊
為表其坊曰高雅儒宗

林棟字隆甫邑中夏林人天性篤孝父濟領歲薦入北雍
歸卒于邳州棟方童稚匍匐號突迎喪歸塋煢苦讀書
就試屢冠多士邑令延而賓之不私干請以明經得選

令時相歆為營好地笑而謝之竟得樂會縣值粵寇猖獗抗守孤城設奇布伏巨魁殲焉當道妄殺要功棟嚴捍禦手釋平民千餘命全境獲安竟以抗忤被逮得白欽賜金五兩陞荆府審理正不赴歸囊橐蕭然閉戶著書杯樽接客林下二十餘年壽八十

林樞字中星棟胞弟少有氣節多材藝歲薦入都相國王錫爵申時行許國見而奇之咸延教子弟有事咨焉授南陵令置驛傳建橋梁却例金思威並著上重而下愛

德化縣志

卷十三

人物

二十五

之有驪歌集致政歸杜門課子與親朋吟咏有一噓篇子七人燝煖最知名

王雍字在雲清泰紹卿人受業李文節甚重之以明經宰浙之雲和清慎自矢五載調富沙所首取士悉登第時服得人歸田里二十餘年為鄉祭酒邑有利病輒親別白於令復自置義租數千觔以供宗祀

李雲階字太堂繁之子也生階晚愛之戒勿苦讀階密置燈幕中終夜不輟又不欲令離膝下竟密負笈從王都

昌學繼師李文節成名士萬曆丙申應明經丁酉登順
天榜始宰華容至則捐俸建劉忠宣祠恤黎公淳後各
為置祀田若干頃出冤獄按巨憝侃侃不撓歷四薦主
爵已署部竟以多口量轉吉安同知鄒蘭臯郭青螺極
器重之署府攝邑篆者凡九皆大著聲績盡却例金又
出宦俸為民償逋及代湖閩使者復却例金五千餘臺
司交薦以忤時不樂仕歸課子立社會文評論不倦有
書十種行於世子喬楫英山知縣次子喬霖上林苑丞

德化縣志

卷十三

人物

二十六

六子喬鍾最知名庚子歲貢

章時學字爾行萬曆丁酉明經任紹興府訓導端士習正
文肅尋陞雷州徐聞縣教諭課徐猶課紹興也道憲稱
其德量汪涵曾署徐聞縣事有白以用機智者正色曰
國家以無事為福机智何為後陞教授辭不就職賦詩
見志

郭維翰字屏叔號鍾西萬曆庚子舉人初任臨江府推官
署四縣篆所至皆有聲秩滿課最陞廣西慶遠府同知

尋補揚州府同知廉節端謹陞岷府左長史晉階解綬
林下締友賦詩懷宗登極詔天下為魏不仕者超遷三
級翰與焉當事趣其行懇辭風疾不起壽七十有三
柯應鳳湯泉人賦性恬淡篤志攻苦與人交渾然不露圭
角以歲薦任連江司訓課士衡文群推冰鑑事上接下
咸有矩法諸司道亟稱之卒於官

林焯字伯基樞之長子敏達寬厚德量汪涵試輒冠軍以
明經授長洲司訓長洲故名士淵藪焯所甄別輿論翕

德化縣志

卷十三

人物

二十七

然文震孟稱為天下長者陞東安令矢志中立不阿權
貴大著風采罷歸杜門不與外事年七十七卒有茂苑
雜記都荔山房詩集

賴垓字宇肩天性孝友九歲能文淹貫經史由恩選掇北
闈第南宮以才名為天下重初任浙之平湖縣矢志冰
檠新學宮甄拔寒畯却湖稅溢額銀節省海塘濫費汰
冗役五十名峙義廩十四所復修梁庄創儲困置義塚
以革火化陋習釐剔私鹺四十萬覈清軍產百餘畝紓

民瞻士吏治文學獨冠兩浙召對稱旨擢翰林院簡討
轉右春坊命侍東宮講學給假省親得冊藩之役晉階
宗伯學士未及還朝值 鼎革遂結廬瓊溪徜徉詩酒
當事交聘堅以疾辭因自睽山樓以見志云皎月高懸
蘿薜夜蒼天長放蕨薇春有文集若干卷子二鈔鉞

國朝

鄧孕槐號台生前明庚午舉人年二十五

熙朝定鼎授京李治獄明慎多平反慈惠廉直有古人風

德化縣志

卷十三

人物

二十八

擢御史按江南上江利病織悉皆上言輒得

俞旨按畿南督屯田時真定等十四州縣兵亂之後逋逃
者多丁產貽累乃上痛哭一疏得

旨蠲免民獲更生以龍圖稱之內艱歸年甫服官而卒世
咸惜之

李道泰字子交號藿思縣東沙堤人博學善古詩文下筆
千言立就皆出人意表第順治辛丑進士授建昌令獎
孝行振寒素革陋規蒲鞭示儆而民化之康熙甲寅□

政倥偬建昌水陸衝途聯船過馬備極勞勩吳逆倡亂
嘯聚迫附泰身率兵壯設法驅逐城賴以完量移郡丞
冷署水廳家人團笑如寒士因闢地結茅于紫霄峰顏
曰白厓時論方之白李草堂嘗賚俸過鄱陽逆浪折舵
胥役鼓小艇請避却之曰同舟共濟豈吾獨安耶竟不
動及擢滇之開化下車即除供應捐金砌路為夷民建
義學時邊徼新拓鎮營火伴及里中養卒多湖南孩童
掠賣者泰惻然詳請報冊放歸仍量給以資斧楚人至

德化縣志

卷十三

人物

二十九

今尸祝之卒於官所著有纓溪文集又集古十八卷曰
籀書詩有響草剩園四草南州耳鳴集滇行草諸篇

溫舜華字啓姚科榮人學博行修由歲貢司訓羅源署永
福學陞崇安學教諭苜蓿自甘殫心課士貧乏者賙之
所至群沐其德教年七十九著有蓬萊亭集

林汪遠字希士號涵蒼桂陽人與堂弟模同登康熙丙午
鄉榜嗜學績文力追古雅尤工聲律

國朝詩選多登其作宰浙之雲和政簡刑清每與諸生課

藝賦詩嘗繪 文廟植檜重榮圖序而頌之遒鬱高古
丁內艱服闋補四川南部知縣慈惠明允以老致仕著
有大學兕說燕回閒史詩刪各集

林模字靖若號周木年二十一舉於鄉二十八成進士歸
值耿逆倡亂賊黨橫行掠殺模集鄉族諭以大義築砦
據險約束戒嚴里社以安選授湖廣興寧縣精勤廉敏
力為百姓造福以憂歸士民勒石謳思服闋補廣之普
寧庚午鄉闈分校所獲皆知名士群賀得人模曰藝文

德化縣志

卷十三

人物

三十

末事耳吾儒寔用貴澤被蒼生也在任規畫大小必親
踰年以勞瘁致疾卒於官年四十六性聰穎工諸書尤
精畫事片鱗寸羽人悉珍之著有四書講章詩書易解
義

謝青鍾字字東號斐草邑東侯池人少賴悟博覽群籍下
筆如有神尤善草書康熙壬子舉於鄉授浙江瑞安知
縣革加耗省徭役却苞苴一以清白自持六載卒於官
宦囊蕭然士民哀慕立祠祀之著有越山十顰怪齋史

誤詩詞文集

王維斗字樞生號蓼思東西團人康熙丁卯領鄉薦任河南臨漳令苞苴悉絕獄訟持平凡有利於民者力請行之加惠孤寡嘗代贖難女數十人捐俸拓學宮基恢其舊制科名振起列憲嘉之考取遂解組歸杜門却掃風節清高

陳應奎字婁先號壁東高卿墨園人工藻翰精岐黃登康熙丙子鄉榜任直隸之南樂邑例有填宅并菓蔬銀盈

德化縣志

卷十三

人物

三十一

千奎至却之悉以鼎新學宮復革濫派所有奉公採買使民自供絲毫不染寒者衣之病者藥之捐俸置漏澤園數十畝歲乙未亢旱請憲緩徵者再明年又苦蝗齋素以禱蝗乃緣稗盡斃民得有秋嘗運米通州賑濟力爭高概大斛事聞憲違之命如議癸賑寔惠廣沾涖任七年無死獄士民繪像以祠課最內陞投簪終老年七十八著有清音文集武夷紀遊等編

顏天球字嗣圖號象岩瑤市人康熙己卯舉人忠誠淳慤

授湖廣興寧知縣猺苗雜處素梗化球以誠撫之首革
重耗苗民率服旱魃為虐露宿以禱甘霖立沛解任之
日士庶遮道扳轅

李淑度字延策東潞人康熙戊子副榜授直隸趙州判公
餘與諸生論文賦詩陶然自得州多盜奉署州篆弭之
有方民賴以寧卒于官年五十八

徐高明字恒總號克之儒山人乾隆戊午副榜授廣西萬
承州同甫至除九甲濫派禁敝俗男女答歌者以和姦

德化縣志

卷十三

人物

三十二

論親死焚尸及鼓樂者以不孝論夷民向風知義奉委
歛安南貢私獻悉謝絕卒於官

論曰士當窮居草茅坐誦書史恒恨不見用一行作吏
率碌碌無所表見豈盡言易而行難大都以官為家而
不畱心民瘼也邑之學古入官者敦古處尚廉介自立
朝迄外任風節治績翼翼隆隆嗚呼可謂不負所學矣
孝友

宋

張興渭楊梅上蒲澤人性至孝母楊氏病篤百藥弗治乃
顛天割股雜粥以進病立愈淳祐六年里人狀其事於
縣立旌孝坊表之祀忠孝祠

鄭師孟字醇冲操履端莊事親教子睦族調隣咸為鄉人
法三世同居不求聞達

明

王三聘清泰紹坑人家素貧對親必怡顏溫語母吳氏病
瘡醫久罔效乃焚香祝天割股一臠和粥進之母怪其

德化縣志

卷十三

人物

三十三

味聘跪勸使盡母疾頓愈後行微跛人方知其故僉請
于縣旌之曰孝誠能格祀忠孝祠

凌天德楊梅上團人敦孝友鄉稱長者洪熙元年以子輝
貴贈監察御史

涂應昌字肖吾邑庠生四歲失恃隨父夔州長史允寬歷
任江西湖廣四川十餘年父卒子官繼母許氏巴東女
也懷娠三月有以途遙惑之者昌泣慰曰天祚母德必
生弟繞膝有双兒矣竟與母千里扶櫬歸色養五十餘

年弟歿視姪猶兒胞叔乏嗣以父事之訓子重光孫有洛有泮皆遊庠萬曆二十三年邑令鍾夢寅教諭張潮請加冠帶贈扁曰望重龍潯

周大烈邑庠生天性孝友色養父母老而彌篤嘉靖間胞叔檀被寇擄秘計出之訓子孫成名享年九十有二李繁在坊英山人性仁厚富而能施斫箸時讓肥居瘠友于著稱鄉里待以舉火者百數十人有叩門糴粟者繁方食投箸而起子弟請俟食畢曰人猶待粟而炊吾獨

德化縣志

卷十三

人物

三十四

忍飽乎嘉靖間綠林竊發繁被獲禮而歸之好善不倦獨淡視功名李文節嘗曰為羲皇上人為作李公傳以子雲階貴兩膺錫命孫九人彬彬文學壽九十

林謨字泰心梅上桂陽人風度恬如篤志好學食餼後八子皆令讀書不屑治生產尚義樂施節用所餘多推恤家近千指雍穆藹吉無間言子孫群列庠序每誡之曰若輩後貴慎無多收僮僕第五子鵬搏膺鄉薦孫汪遠模同登國朝丙午榜模舉制科模子昱亦登科

國朝

徐瑾字覲甫在坊儒山人有聲庠序母林氏病篤刲股調羹以進病立愈永春令駱起明以孝友流芳褒之知縣王寵受請於憲獎為竒孝可風祀忠孝祠

鄧濂號濟寰新化塗坂人少英敏移居入郡就學每試冠軍事繼母撫諸弟以孝讓聞交友然諾不苟郡邑以德行推之次子孕梓患疫設饌以祭夜中恍惚若有所見者尋聞聲曰公厚德次君無恙也其行誼信於鬼神如

德化縣志

卷十三

人物

三十五

此歲薦後即杜門以子孕槐貴贈監察御史年七十卒林鵬搏字潛卿敦友于兄弟皆為庠士搏獨代營家政壯年乃勵志讀書入泮大著文名屢試第一掇科後益懋行誼和易謙冲人號為菩薩丁亥戊子之亂盜賊不犯其鄉閭里賴以安 熙朝授武定州以水災去任宦橐蕭然不能為歸計青齊縉紳爭客之數年霍憲副來聞始攜之歸晚工詩精於理數以客遊碁酒為適年七十自撰行寔高吟五言律一章而逝

李喬鍾字彭又幼穎悟父雲階嘗集庠士與子弟校藝文完即送入閱鍾時方七八歲默記其文與評點出以示人聞者歎異成童入泮就試學使三壓其偶丁戊之亂賊屯瓊山夜取其父柩質金鍾中宵挺身就賊以死求贖賊義之護其柩令歸一時郡邑名士皆樂與遊後多貴者鍾處之如素詩文行誼有古人風膺歲薦第一年甫五十而卒人皆惜之

謝猶龍字颺儒少貧輟讀治陶猗業致素封旋感憤復學

德化縣志

卷十三

人物

三十六

博涉群書補弟子員天性孝友經紀所得與兄弟共之知縣金麗澤扁其堂曰克敦天顯二兄歿撫諸姪子姓數百指不析箸仲兄子擄于賊拷餉慘虐龍入營泣求身代賊義之得釋知縣王寵受嘉其行誼將請諸學憲拔其子入泮龍曰有伯氏長子在竟以與姪好施濟順治末遷民流離傾貲以賑多所全活太史賴垓武定守林鵬搏詩酒相過甚重之卒年七十七子青鍾舉於鄉林朝陞字俞卿謬第八子孝友無間學博甘天毓扁其居

曰孝友堂大宗伯龔鼎孳題荀龍薛鳳四字贈之性仁厚持躬接物恂恂恬退臨大事輒義形於色 鼎革時劫掠者過其鄉相戒曰此仁人里也毋驚犯適都督蔡調羹來邑鎮撫民多觀望畏縮陞毅然登堂侃侃言論羹為動容加禮于是遠近望風歸服甲寅耿變陞以大義曉里族立條約無一人入偽黨者文學淵博嘗輯元墨三十餘卷教子模成進士著有四書詩經蒙述編老嗜易兼通內典及星曆諸書云

劉鈺字式侯尤中里上格人順治己未海氛起隨父自明僑居田邑父為賊所擄禁於西山頭寨鈺傾家集鄉勇三百餘人將攻賊有以無濟止之者鈺曰吾父命懸賊手不濟即以身殉耳遂於七月初七夜乘賊聚飲攻之竟出其父于賊禁中人咸稱其孝

黃家焟字慎齋清泰湖山人年十二父廩生遂權應試三山母林氏病焟焚香叩禱衣不解帶者三閱月一夕母病急幾死焟泣抱號天母頓甦曰適有一女人教以當

歸附芎可治遂如方服之果愈迨父母歿售產以辦喪事每風雨輒號哭于墓邑令和鹽鼎贈扁曰山谷遺風連城瑒字玉楨甲頭人翹机子出繼於其叔翹柱事嗣母鄭色養終身居喪絕葷哀毀壽七十七

徐士萬字咸甫儒山人康熙甲寅海寇據永春派餉以千計者徐姓七人萬叔姪居其四乃獨往拷掠無完膚偽知縣鄭誘之曰呼爾叔出吾免爾萬佯諾而密令諸叔遠遁越日鄭怪其不至萬厲聲曰某已在網中安可令

德化縣志

卷十三

人物

三十八

諸叔同入死地乎某但以身死耳鄭歎其義釋之

陳文灼字貞甫高卿墨園人父素蘊口不言阿堵物每省試及北上灼計所費分厘銖兩大小包裹以供携取父病侍湯藥衣不解帶者經旬母老喪明日含藥舐之復能視生平居心寬恕而嫉惡甚嚴里有不善者常恐灼聞之人謂其有太邱風年八十四無疾而逝以子應奎貴贈文林郎

賴源字繩其翰林院右春坊垓之孫也動必以禮性尤孝

謹事母黃氏朝夕必問安凡膳飲躬治之不假手家人
出告反面雖溽暑必盛飾父墓近道旁過之輒登拜不
因風雨懈也以康熙丁酉副榜應順天試卒於京聞者
感歎

邱孔威邑南閩人家貧服賈孝養父歿日夜哀毀母陳氏
老沾蠱脹卧床十載百藥弗效威椎心泣血計無所之
密與室李氏持香祝天割股調羹以進脹旋愈復享壽
十餘年乃卒誠孝所格蠱亦不能為害邑人至今稱之

德化縣志

卷十三

人物

三十九

賴異字同人父暑被寇擄挺身請代賊始欲并囚之感其
孝放回乃厚予賊金贖父歸濟人窘迫無所恡惜以子
銓貲贈修職郎

鄭由吾字展英石傑人邑廩生少失恃父鍾愛之善事繼
母長兄早逝撫孤姪及異母弟愛養有加嘗以厚貲付
次兄外賈本蝕盡無問焉雍正丙午赴鄉闈夢家懸靈
座痛哭即欲馳回同人固止之出闈父凶信至星夜奔
歸號慟血下居喪斷葷不入卧內者三年竟以哀毀骨

立數載而終

陳南金新化里人篤友于弟歿弟婦繼亡撫三歲姪如己
子比長令援例入雍割腴產與之自居其瘠又充丁銀
以廣祀田邑令黃南春延為鄉賓壽七十九
章文燦字延明尤中路口人天性純孝盤匱必躬奉親歿
哀毀逾節塋祭竭誠墓近道側往來則具衣冠泣拜孺
慕獨摯事死如生里人躉之

陳高策字夙苞邑庠生少失恃事繼母鄭終身孺慕與異
德化縣志 卷十三 人物 四十
母弟太學生開楚式好怡怡溫陵按察使陳高翔嘗與
遊甚重之卒年五十一以子義熾封登仕郎

論曰孝悌之道根於至性發為至情即孩提能之固庸
德也極其至則通神明光四海雖堯舜亦不外是誠為
仁之本哉邑乘所紀居常則菜衣姜被和順藹然有故
則泣血椎心致死奔救所遇不齊其孝友一也書之於
冊足以見孝子悌弟之用情矣若夫刲股之行聖人弗
尚然憐其愚原其志傳其事亦足以愧夫自私其身而

不顧父母之養者

義行

明

張觀盛字虛谷湯嶺頭人少遊庠不窺城市者三十餘年
有江右書客宿其家遺金二十七兩張於晒床時拾之
不啓封藏之後二年客復來詢其踰年不至之故以失
金告按其封數與所拾同悉還之不受謝客泣拜而去
歷舉鄉廩辭不就至九十有五歲始應之壽九十七

德化縣志

卷十三

人物

四十一

林宗源在坊瑤臺人幼失怙恃姊長娘承父命撫之遂不
字終其身源事姊如母慷慨好義邑雲龍橋圯人苦病
涉捐金二百兩倡建詳載雲龍橋記又助建永春東閔
橋遠近咸嘉其義子球以明經司訓曾城

涂洪三尤中寔豐人勇畧邁衆嘉靖初汀漳盜流劫各縣
到處殺掠賊僅九十三人猖獗莫禦三年冬各縣督兵
會勦賊奔邑之小尤中團官兵追及賊遁入民黃舜大
家洪三度其當夜走獨持短兵伺于要路盡殲之知縣

梅春以狀聞授職指揮洪三卒賊崇小尤鄉人迎其柩
葬以鎮之崇遂滅今歲時享祀焉

歐陽發新邑治人宅在北門之外知縣張大綱移城時新
父監生成請於官厚犒其工彎拱迴抱後秦令霑欲以
其宅為學宮成猶不忍請於上臺成卒發新以田地十
二畝餘並輸學宮今春秋頒胙其家復以舊泮池改田
一坵畀歐耕佃示優恤焉

賴光字 孔教從姪以歲薦司宣城訓遷仙遊教諭尋

德化縣志

卷十三

人物

四十二

陞璠州府教授署儋州府篆九月不携一錢所至有聲
其在璠也有府官為憲斥去不能歸將鬻妾光出俸金
二十兩助之家居三十餘年明修煉釋黃庭刊感應篇
壽八十無疾而終

鄭揚碩傑人昭祖裔孫敦孝友勵志節子沛登第之後益
矜名義不肯私蔭親族以累鄉里人多德之為立生祠
封戶部主事年八十終

陳一經字仰溪彭溪社人勵志節尚名義時賦役繁重里

民多逋欠經傾貲支撐鄉閭以安邑令桂振字稔其事以奉公勤王扁獎之

曾滙字鯤海早歲遊庠慷慨有遠識邑民半佃屯以耕時泉郡豪幹收租肆虐百姓流離有革斗栳之說南安鄉民聚衆以爭滙聞之曰是將鄰於亂不如訴以上聞捐貲助佃民周龍珪寇十六等叩閭事下撫按審奏患由是息各佃歲省浮費數千石乃買地壽明旨於碑建府縣生祠計滙前後費千金矣未幾南安民果不靖邑以

德化縣志

卷十三

人物

四十三

冤伸安堵如故人咸稱其革弊之功尤服其有止亂之智

周龍珪邑蘓洋鄉人與霞寮人寇十六氣義相高會郡城宦幹收屯租額外酷剥曾滙議訴於朝當得白衆莫敢往者惟龍珪與十六奮身赴京繪圖叩閭極陳肆虐流亡之慘朝廷為之感動下其事於撫按由是屯法一清民害以息當二人之同赴京也閔津萬里潛身微行惟恐懷謀截殺衆冤仍沉迨事理龍珪幾死僅免而寇十

六竟遭害屍首無存于今受屯而耕者猶感泣二氏之
功云

國朝

王業煥字韜光天崇中海氛肆起自同安高浦所棄家產
入德囊携千金有告貸者悉予之清泰湫口諸鄉咸稱
長者高陽義士章毓材見而竒之妻以女 鼎革初邑
令某廉其殷寔勒充庫吏是時縣官諸日用費皆取給
于庫若錢糧起運不敷輒借解不必盡償居三日遽呼

德化縣志

卷十三

人物

四十四

笑賑煥叩曰庫無一錢可筭吏止現銀百債券千盡則
請配徒耳令領之即日放歸煥持券焚于雲龍橋之塔
岍祝曰非能市義但祈免禍後有來償者却弗受緣是
落魄好施不倦賊陷縣城東門磨石嶺屍相枕藉煥密
荷畚往埋數日屍腐難近減食募隣同往有告賊使收
煥者煥笑曰死者有靈吾知免矣鄰不敢與俱煥仍獨
往賊亦不之罪

賴鉞字

道義自凜足跡罕至公庭由恩貢授別駕董

葺學宮煥然一新乙卯邑遭寇亂族衆瀕危鉞捐貲營
救室廬墳墓得以無恙焉

鄭振郁字崇斐在坊石傑人仗義輕財申寅之亂山海嘯
聚破貲集鄉勇捍衛村井遠近數社悉賴以安時率義
勇防護邑城有劉姓者為仇人所縛乘亂將殺之郁聞
挺身往諭不解自持百金以贖又有泉郡人見擄于賊
聞郁好施詭稱有銀寄郁家賊令往取值郁外出郁妻
陳如數與之得不死比郁歸知其偽也則曰救人不妨

德化縣志

卷十三

人物

四十五

勿問旣清晏邑令啓當道欲叙以官辭不赴秉性孝友
父母安厝後日必省掃墳墓與兄文學振聲弟明經振
世篤爰所置產悉均分無入私橐晚年邑令高其行請
赴賓筵壽八十三

周士極小銘人順治戊子綠林蠡起躬率義兵勦殺鄉閭
以靖蔡韓兩鎮以恢復縣城極與有力欵宴之當王傅
二令時邑有許姓者負重罪賫千金求救極為營解獲
脫却弗受謝人稱其義

許雲祥字奕唐高卿人太學生慷慨好義江南提學邵嘉
亂兄弟微時曾泊其家厚欸半載康熙甲寅海偽鎮攻
塗坂寨四顧無援祥赴偽爲質周旋輸餉寨賴以完邑
令和鹽鼎擢大理寺去值閩變道梗內眷留邑四載祥
常供饋芻米丙辰邑遭水患募埋溺屍二百餘義舉足
稱邑人能道其詳

李寅球塗坂人有勇畧康熙甲寅海偽鎮黃雲率衆二千
餘攻塗坂寨時寨內不滿五十家各寨來援者又多觀

德化縣志

卷十三

人物

四十六

望球力守孤城砲無虛發雲兵死傷二百餘人攻二十
日不下後以各寨援兵潰乃納欸以安鄉閭

連宏揆字時叙上林甲頭人沉機善應值閩變山海交訐
揆連絡十一寨指揮有方賊不敢侵諸寨倚之海偽鎮
逆派迫逼揆挺身赴賊營請緩賊為改容施禮尊美有
寡婦欠餉賊將梟以威衆揆憐而贖之不問誰氏其義
氣如此

李公培字望子縣東沙堤人康熙己酉武舉仗義任俠不

矜曲謹乙卯歲海寇索餉遣偽官重刑追呼民不堪命
培毅然奮臂大集各鄉義兵分設部伍密約城中居民
為內應行至半途舊病暴發而卒論者惜之

李綠字儲奎藍田人康熙初與族人遊邵武遂家焉寅卯
之亂邵武縣令某為賊所脅綠力護之致芻米贍其家
總兵樂燦招安有萬年寨堅拒焚之逃出二百七十餘
人燦恐復叛將盡殲焉綠與燦有瓜葛聞知奔救得免
又嘗救其臨斬部將二員兵丁一人有持金謝者悉却
德化縣志

卷十三

人物

四十七

之後挈家歸行李蕭然

陳繼賢字復敬尤中人甲寅耿變集鄉勇拒之大田有林
姓者請為援偶值演砲殞其丁壯林懼以金五十自贖
賢正色曰死生命也可取財乎郤之惟令備棺衾以殮
人咸服其公正

賴暑字俞佩桂林人邑庠生好施濟湧嶺鍾山之間道路
崎嶇捐金築砌康熙寅卯山寇高成才肆虐擄蔣志廷
等十數人暑與焉暑啗寇以利且出義不忍獨歸乃代

蔣等納金於賊皆得釋人高其誼

徐竒勲儒山人邑庠生布德好義康熙庚申米貴食客到門勲禮欸四月餘無倦意嘗過南洋見餓仆者給棺瘞之又嘗出仲春村粟三百石以周鄉隣之無告者徐為鄴字秉書上林儒山人太學生揀選州同積厚而能施鄉間待以舉火者數十家康熙丁丑歲饑餓莩載道邑令施粥以賑鄴捐米穀繼其不足累月嶺邊及溪頭林羊腸崎嶇鄴開砌之易險為平至今往來稱便

德化縣志

卷十三

人物

四十八

張隆騰字麗珍高卿上岩人邑庠生康熙丁丑邑多飢人煮粥賑之丁溪橋水圯無常屢修之築砌道路以便行人族叔伶丁為之婚娶他如施棺焚券義行甚多

林昺字煥文邑明經慷慨好推解有告乏者輒助之子丑薦飢鄉人多菜色昺怒然曰人飢而吾獨飽桑梓安在力賑恤之至不能支復轉貸以濟全活甚衆鄉人德之卒年五十有五

賴鼎濬字幼瞻邑廩生好施與貧乏無告者入其門皆濟

之修理橋道施棺木未嘗少靳排難解紛人皆先服鄉評重之

陳洪圖字若龍郡庠生康熙辛卯漳盜陳五顯率黨三千剽掠鄉廬鄉民逃竄有二人為賊所獲圖傾貲贖歸賊擁攻永鎮寨六晝夜設竒防禦殺賊甚多及賊潰散邑令王調元詳憲咨部給銀一百二十兩旌其功

陳洪璉字若琪尤中里陳吳鄉人敬禮師儒賙貧乏施棺衾無恹惜意和樂溪險出鏹築橋以濟又砌石構亭於

德化縣志

卷十三

人物

四十九

太保嶺往來稱便焉壽七十有五無疾而逝

連士僚字隆師上林甲頭人邑庠生邑修文廟建雲龍橋當途每委重焉僚盡心董理罔辭勞瘁不足者捐貲補之閭里貧乏多所周給壽七十七

論曰罄囊利物輕生濟人游俠之道也苟行之而當則有無相通患難相濟太平親睦之風於是焉係古道也俠云乎哉邑之尚義者不乏其人或揮千金而不惜或出死力而不辭高義雅懷桑梓賴焉若夫拾遺而還焚

券而却則又矯矯乎廉讓君子也緩急人所時有傳其
慷慨之行足砭鄙吝之俗云

德化縣志卷之十三終

德化縣志

卷十三

人物

五十